

Comunità da Zernez

7530 Zernez

Telefon 082 - 812 07

Quint schec postal 70 - 887 - 1

DISPUSIZIUNS IN MERIT IL TGNAIR CHANS

1. Mincha proprietari da chans ais suottapost a la taxa statutaria 10 dis davo esser in possess d'ün tal.

Chagnöls suot quatter mais, il chan dal bescher e chavrer sco tuots chans da servezzan sun libers da qualunque taxa.
2. Id ais severamaing scumandà da laschar girar libramaing chans na accumpagnats e chi nu portan ingüna marca valabla pel cumün intuorn.
3. Per laschar far lur bsögns ed as pulir, sun ils chans da gnir manats our da la zona abitada. I dess gnir fat adöver da las tualettas pels chans plazzadas intuorn cumün.
4. Chognas in chalur dessan gnir tgnüdas aint. Ad ellas vain arcumandà da dar d'ürant quel temp ils medicamaints adequats.
5. Aint il god e là inua chi po cumparair sulvaschina dess il chan gnir tgnü in chadaina (Ledscha da chatscha chantunala).
6. Chans frauduladers abandonats chi chatschan ed assaglian sulvaschina vegnan annunzchats al guargia da chatscha o a la pulizia.
7. Per ün chan chi as renda privlus o dannavel per glied e bes-chas po la suprastanza cumünala ordinar da'l far davent o metter sü müschellas da metal ed il tgnair adüna in chadaina.
8. Chans maltrattats ed abandonats vegnan segnalats a l'uffizi circuital o a la pulizia.
9. Cuntravenziuns vegnan punidas cun frs. 50.-- fin frs. 200.--.
10. Quistas dispusiziuns aintran subit in vigur.

Per la COMUNITA DA ZERNEZ

Schner 1994

La suprastanza cumünala